

## **2022. URTEAN GIZARTE-BAZTERKETA EGOERAK PREBENITU, SAIHESTU EDO ARINTZEKO BAKARKAKO DIRU-LAGUNTZAK EMATEKO DEIALDIA**

Gizarteratzeko eta Diru Sarrerak bermatzeko abenduaren 23ko 18/2008 Legeak, bazterkeria arriskua prebenitzeko, bazterkeria pertsonal, sozial edo ekonomikoa arintzeko eta herritar izateak dakartzan eskubide sozialak benetan baliatzeko behar beste baliabide pertsonal, sozial edo ekonomikoa ez dituztenei gizarteratzen laguntzeko tresnak arautzen ditu.

Zehazki, gizarteratzeko eta bazterkeria prebenitzeko tresnetako bat Gizarte Larrialdietarako Laguntzak dira, aldizkakoak ez diren prestazio ekonomiko eta subentziorako, ohiko nahiz aparteko gastu espezifikoari aurre egiteko behar besteko baliabiderik gabeko bizikidetzaren unitate batean bizi diren pertsonentzat, gizarte-bazterkeria egoerak prebenitu, saihestu nahiz arintzeko.

Kontuan izanik Eusko Jaurlaritzaren eskuduntza diren Gizarte Larrialdiko Laguntzetarako baliabideak urriak direla Hernaniko udalerriko herritarren laguntza eskariari erantzuteko, Hernaniko Udaleko Zerbitzu Sozialetatik urtero diru-partida bat ezarri ohi du, Eusko Jaurlaritzaren aurrekontuzko diru-izendapenak ase ezin izan dituen eskaerak artatzeko, baita aipatutako laguntzetan sartzen ez diren eskaerak artatzeko ere.

Bestalde, Estatuko Buruzagitzaren apirilaren 17ko 38/2003 Legearen bitartez, Subentzioen Orotariko Legea onartu da (2003ko azaroaren 18ko 276 zenbakiko EA0), herri administrazioek emandako subentzioen orotariko erregimen juridikoa arautzek; eta horien artean daude toki administrazioeko erakundeak, 38/2003 Legearen 3.1b) artikuluan jasotakoaren arabera.

Subentzioen Orotariko Legearen 17.2 artikulua ezartzen du, toki-korporazioen subentzioak arautzeko oinarriak aurrekontua betearazteko

Bestalde, Estatuko Buruzagitzaren apirilaren 17ko 38/2003 Legearen bitartez, Subentzioen Orotariko Legea onartu da (2003ko azaroaren 18ko 276 zenbakiko EA0), herri administrazioek emandako subentzioen orotariko erregimen juridikoa arautzek; eta horien artean daude toki administrazioeko erakundeak, 38/2003 Legearen 3.1b) artikuluan jasotakoaren arabera.

Subentzioen Orotariko Legearen 17.2 artikulua ezartzen du, toki-korporazioen subentzioak arautzeko oinarriak aurrekontua betearazteko oinarrien markoan onartu beharko direla, dela subentzioen orotariko ordenantza baten bitartez dela subentzio modalitate bakoitzerako ordenantza espezifiko baten bitartez; aipatu Legearen hamalagarren xedapen gehigarriak, gainera, 38/2003 Legearen araututako prozedurak toki-korporazioen antolaketa eta funtzionamendu baldintzei erregelamendu bidez egokituko zaizkiela ezartzen du.

Aipatutako subentzioei dagokienez, Hernaniko Udaleko Zerbitzu Sozialek Subentzioei buruzko 38/2003 Orotariko Legeari eta hura garatzeko arautegiari –uztailaren 1eko 887/2006 Errege Dekretuz onartutakoari – ez ezik, Gizarteratzeko eta Diru Sarrerak bermatzeko abenduaren 23ko 18/2008 Legeari egokitutako oinarri arautzaileak prestatzeari ekin dio.

Aurrean azaldutako zioak kontuan izanda, Hernaniko Udaleko Zerbitzu Sozialetako Bakarkako Diru-laguntzak arautzeko oinarriok ezarri dira, gizarte-bazterkeria prebenitu, saihestu edo arintzeko eta pertsonen garapen osasuntsua bermatzeko, ondorengo xedapenekin:

## OINARRI ARAUTZAILEAK

### 1. artikulua.—*Helburua*

1. Deialdi honek Hernaniko Udaleko Zerbitzu Sozialak 2022. ekitaldirako norgehiagoka erregimen bidez emango dituen gizarte izaerako Bakarkako Diru-laguntzak arautzen ditu, Hernaniko udalerrian gizarte-bazterkerian edo gizarte-bazterkeria arriskuan dauden pertsonak artatzeko eta pertsonen garapen normatiboa bermatzeko; horren kudeaketa Hernaniko Udaleko Zerbitzu Sozialei dagokie eta 2021eko abenduaren 16ko Osoko Bilkuran onartutako Hernaniko Udalaren 2021rako Diru-laguntzen Plan Estrategikoak dioenaren arabera erabaki dira.

2. Deialdi honi dagokionez, gizarte laguntzat hartuko da Hernaniko Udaleko Zerbitzu Sozialak ematen duen edozein laguntza ekonomiko, pertsona onuradunen zuzeneko kontraprestaziorik gabe. Laguntzaren helburua da pertsonen garapen normatiboa bermatzea eta gizarte-bazterkeria arrisku egoerak prebenitzea nahiz arintzea.

3. Deialdi honetan arautzen diren diru-laguntzen helburua da erantzuna ematea premiazkoa, puntuala, ez normatiboa, iragankorra eta seguruekin errepikaezina den premia egoera bati, beti ere herritarrak berak, bere familiak, beste administrazio publiko batek edo erakunde publiko nahiz pribatu batek artatu ezin duenean.

4. Laguntza horien helburua gizarte zerbitzuen eta gizarte sustapen eta gizarteratze jardunaren esparruan kokatzen da, zeina udal eskumenekoa den, Toki Araubideko Oinarrien 7/1985 Legearen 25. artikuluko, 2. puntuko k) hizkian ezarritakoaren arabera.

### 2. artikulua.—*Definizioa, izaera eta ezaugarriak*

1. Bakarkako Diru-laguntzak aldizkakoak ez diren prestazio ekonomiko eta subentziazkoak dira, gizarte-bazterkeria egoerak prebenitu, saihestu nahiz arintzeko beharrezkoak diren ohiko nahiz aparteko gastu espezifikoari aurre egiteko behar besteko baliabiderik gabeko bizikidetz-unitate batean bizi direnei emateko.

2. Bakarkako Diru-laguntzak helburu jakin baterako dira; beraz, helburu horretarako baino ezin dira erabili.

3. Subsidiarioak eta, hala badagokio, osagarriak izango dira indarreko legerian aurrez ikusten diren ekonomia-educiko era guztietako gizarte-baliabide eta -prestazioei dagokienez, horiek onuradunari edo haren bizikidetz-unitateko edozein kideri legozkiokeenean, baita ohiko etxebizitza edo bizitoki berean bizi diren beste pertsona batzuei legozkiokeenean ere.

4. Bakarkako Diru-laguntzak transferiezinak dira eta horrenbestez:

- a) Ez da obligazio-berme gisa eskaintzerik izango.
- b) Ez da lagatzerik izango, ez osorik ezta partzialki ere.
- c) Ez da konpentsatzerik edo deskontatzerik izango, jaso behar ez ziren prestazioak itzultzeko ez bada, deialdi honetako 22. artikuluan ezarritako moduan.

d) Ez da atxikitzerik edo bahitzerik izango, aplikatzekoak diren Estatuko lege orokorretan ezarritako kasuetan eta mugekin izan ezik.

### **3. artikulua.—Gastu espezifikoak**

Bakarkako Diru-laguntzek honako gastu espezifikook ordainduko dituzte:

A: Zehaztutakoak:

1. Ohiko etxebizitza nahiz bizitokia izan eta hura mantentzeko behar diren gastuak, honako hauek barne hartuta:

a) Alokatzeko gastuak.

b) Gizarte larrialdiko egoeraren aurretik hartutako kredituen interes eta amortizazioetatik eratorritako gastuak, etxebizitza nahiz bizilekua erosi izanaren ondorio direnean.

c) Energia eta komunitate gastuak, baita hiri eta landa-ondasun higiezinari buruzko zergari dagozkionak ere.

d) Ohiko etxebizitza edo bizilekua bizitzeko moduan jartzeko behar diren gastuak, hala nola:

d.1) Altzariak.

d.2) Linea zuriko etxetresna elektrikoak.

d.3) Etxebizitzan edo/eta komunitatean egin beharreko oinarrizko egokitzapen, konponketa edo instalazioak.

2. Bizikidetzaren unitateko baten nahiz gehiagoren lehen mailako beharrei dagozkien gastuak, salbuespen egoeratan eta betiere bat-bateko egoera baten ondorio direnean eta erabiltzaileak eragindakoak ez direnean.

Hala nola, jantziak, janaria, osasunerako baliabide materialak, sistema publikoek estaltzen ez dituztenean.

3. 1 eta 2 ataletan adierazitako kontzeptuetako batek aurretik sortutako zorpetze gastuak, baita bizitzeko oinarrizko beharrei aurre egiteko beharrezkoak diren gastuak ere.

4. Aurreko puntuetan jasota ez dauden gastuak, baina Oinarrizko Gizarte Zerbitzuetako langileen iritziz, artatzea beharrezkoak direnak.

B: Pertsonaren garapen osasuntsurako, normalizaziorako eta gizarteratzeko beharrezkoak diren gastuak.

### **4. artikulua.—Onuradunak**

Bakarkako Diru-laguntza hauek hurrengo beharrezkoak betetzen dituztenek jasoko dituzte, oinarri arautzaileetan ezarritako baldintzetan:

a) Eskabidea eskatu baino gutxienez sei hilabete lehenago Hernaniko udalerrian erroldatuta egotea, eta bertan izatea benetako bizilekua.

Ez badute gutxienerako epealdi hori betetzen, ezinbestekoa izango da Hernaniko udalerrian erroldatuta egon izana eta benetako bizilekua bertan eduki izana, aurreko 10 urteetatik etenik gabeko bost urteetan.

Beharrezko hori ez dute bete behar Euskal Autonomia Erkidegoz kanpoko Euskal Gizatalde eta Etxeekiko Harremanei buruzko maiatzaren 27ko 8/1994 Legearen 11.1 artikuluan aipatzen diren euskal gizataldeek, betiere artikulua horretan ezarritako gainerako baldintzak betetzen badituzte.

Era berean, ez da errolda beharkizun hori bete beharko oinarrizko premietarako (elikadura, higiene produktuak...) eskaera egiten duten eskatzaileen kasuan. Pertsona horiek Hernanin bizi direnaren bizikidetzaren errealaren frogatu beharko dute.

b) Bizikidetzaren unitate bat eratzea, Gizarte Larrialdietarako Laguntzen araudiak aurretiaz. Zehaztuta duen bezala.

c) Hernaniko Udaleko Zerbitzu Sozialekin gizarteratze prozesu batean egotea bazterkeria arriskua sortzen duten faktoreak arintzeko.

d) Etxebizitza gastuetarako prestazio osagarrien hartzaile ez izatea, Gizarteratzeko eta Diru Sarrerak Bermatzeko abenduaren 23ko 18/2008 Legearen 58.3 artikuluan adierazitako kasuetan izan ezik.

e) 18 urte beteak izatea. Gutxieneko adin-muga horretatik salbu daude, gazteago izanik eta gainerako baldintzak betetzen badituzte, ondorengo egoeraren batean daudenak:

- Ekonomikoki beren ardurapean izatea beste adingabe batzuk zein ahalmen-urritasunen bat edo mendekotasuna onartua duten adindunak.
- Gurasorik gabeko umezurtz izatea.
- Ezkonduta edo ezkontzaren antzeko harreman iraunkor baten bidez beste pertsona bati loturik egotea, gutxienez, sei hilabete lehenagotik.
- Etxeko tratu txarren biktima izatea genero indarkeriaren eta/edo etxeko indarkeriaren biktima izatea.

f) Deialdi honetan 3. artikulura bildutako berariazko gastuei aurre egiteko behar besteko baliabiderik ez izatea, baldin eta gastuek haien bizikidetzaren unitateko kideei eragiten badiete; hala, behar besteko baliabiderik ez dela ulertuko da, ondoren azaltzen diren baldintzak betetzen direnean:

A: Zehaztutako gastuak:

Azken urtean ala prestazioen bidez aurre egin nahi zaien gastuek hartzen edo hartuko duten denboraldian, oinarrizko errentaren gehienezko zenbatekoaren errendimenduak ez izatea -10. artikulua xedatzen duenaren arabera zehaztuak-, etxebizitza unitateko kideen kopuruaren arabera legokiokeen gizarteratzeko eta gizarte babeserako, jarraian aipatzen den aginduak zehazten duenaren arabera: AGINDUA, 2022ko martxoaren 24koa, Enplegu eta Gizarte Politiketako sailburuarena. Honen bidez, ezartzen da zein diren Gizarte Larrialdietarako Laguntzetako gastu espezifiko bakoitzeko 2022. urtean gehienez eman daitezkeen diru-zenbatekoak eta laguntza horietara bideratutako kredituak banatzeko irizpideak; horrez gain, Euskal Autonomia Erkidegoko lurralde historiko eta udal bakoitzarentzat aurrekontuan ezarritako gehienezko zenbatekoak finkatzen dira 2022. urterako. Hori horrela izanik ere, eta Gizarte Larrialdietarako Laguntzen araudiaren bidez zehaztutako kasuetan, beste batzuen errendimenduak ere aintzat hartzen ahal dira, hain zuzen ere, eskatzailearekin etxebizitza edo bizitoki berean bizi eta prestazioen onuradun izan litezkeen gainerako pertsonenak.

B: Pertsonaren garapenari dagokion gastuak eta aurrez aurretik jakiten ez diren gastuak.

Errendimendu ekonomiko nahikoak ez izatea, azken urtean ala prestazioen bidez aurre egin nahi zaien gastuek hartzen edo hartuko duten denboraldian, zeintzuk gizarte langileak aztertuko dituen eta balorazioa egingo duen proposamena egiterakoan.

g) Ondarea

A: Zehaztutako gastuak-

Gizarteratzeko eta gizarte babeserako legokiekeen oinarritzko errentaren urteko zenbatekoa baino lau aldiz handiagoa, batere baliabiderik ez luketenen kasuan, beren artean aipatu diren loturak dituztenen kopuru osoaren arabera. Ondarearen balioa 10. artikuluan araututakoaren arabera zehaztuko da.

B: Pertsonaren garapenari dagozkion gastuak eta aurrez aurretik jakiten ez diren gastuak gizarte langileak ondarea aztertuko du eta balorazioa egingo du proposamena egiterakoan.

h) Etxebizitza Saileko Etxebide zerbitzuan etxebizitza eskatzaile gisa izena emanda egotea, laguntzak alokatze gastuei aurre egiteko erabiltzen direnean.

i) Ez dira onuradun izango, Diru-laguntzei buruzko azaroaren 17ko 38/2003 Lege Orokorreko 13. artikulua aipatutako egoeraren batean daudenak, laguntzen sistema publikotik baja emanda daudenak, betebeharrak ez betetzeagatik.

j) Hernaniko Udalarekin zorrik ez izatea.

Laguntzen onuradunek zerga eta Gizarte Segurantzarekiko betebeharrak ordainduta izateari buruzko beharkizunari dagokionez, salbuetsita geratuko dira premia larriko egoeretan daudenak, gizarte langileek alde aurretik txostena aurkezten baldin badute.

#### **5. artikulua.—*Onuradun bat baino gehiago batera gertatzea***

Baldin eta etxebizitza edo bizitoki berean bizikidetzaren unitate bat baino gehiago badaude, haien artean Gizarteratzeko eta Diru Sarrerak Bermatzeko abenduaren 23ko 18/2008 Legeko 9.1.b artikuluan ezarritako loturarik egon gabe (ezkontza nahiz ezkontzaren pareko harreman iraunkorren gisakoa, adopzioa, laugarren mailara arteko odol-ahaidetasuna edo bigarren mailara arteko ezkontza-ahaidetasuna, famili harrerako harreman iraunkorra edo adopzio aurreko edo tutoretzapeko harremana), unitate horiek guztiek izango dute, ezarritako baldintzak betez gero, Bakarkako Diru-laguntzak lortzea.

Kasu horietan, ohiko etxebizitza nahiz bizitokia izan eta mantentzeko behar den berariazko gastu bakoitzeko eman daitekeen gehienezko zenbatekoa helbide berean bizi diren bizikidetzaren unitate kopuruaren artean zatituko da, eskabide kopurua gorabehera.

#### **6. artikulua.—*Onuradunen betebeharrak***

Bakarkako Diru-laguntzen onuradunen betebeharrak dira:

a) Prestazioak zein helburutarako eman diren, horrexetarako baino ez erabiltzea.

b) Eskabidea egin aurretik baita laguntzak jasotzen dituzten bitartean ere, legokiekeen eskubide nahiz prestazio ekonomiko oro baliatzea.

c) Hernaniko Udaleko Zerbitzu Sozialei jakinaraztea laguntzak hartzeko baldintzekin zerikusia duen ezein gertaera, hura gertatu eta 15egun naturaleko epean gehienez ere, eta, bereziki, diru-sarreraren, familia-unitatearen osaeraren eta diruzko baliabideen eta ondare-ondasunen ingurukoak jakinaraztea.

d) Hernaniko Udaleko Zerbitzu Sozialei jakinaraztea onuradunaren ohiko bizilekuari dagokion edozein aldaketa edo diru-laguntza onartzeko kontutuan izan ziren baldintzen aldaketa nabarmena, hura gertatu eta hurrengo 15egunetan, gehienez.

e) Ez zegozkien prestazioak edo behar baino kopuru handiagokoak jasoz gero, ez dagokiena itzultzea.

f) Administrazioaren aurrera agertzea, eta harekin lankidetzan aritzea, Hernaniko Udaleko Zerbitzu Sozialek egin beharreko egiaztatze-jarduketak onartuz eta eskatzen zaion informazioa emanez.

g) Jasotako diru-laguntza justifikatzea, oinarri arautzaileon 25. artikuluan adierazitako moduan.

### **7. artikulua.—Zenbatekoak finkatzea**

1. 2022. urterako zenbateko osoa 174.500,00 eurokoa da, eta hurrengo kontu-sailen kargura banatuko da:

— 1 02.480.01.231.11 2022, Bakarkako diru-laguntzak Oinarrizko Zerbitzu Sozialak.

2. Zehazten da Oinarri arautzaile hauetako 3. artikuluan ezarritako berariazko gastu bakoitzerako urtean Bakarkako Diru-laguntzatarako, oro har, gehienez ere emango diren zenbatekoak.

#### A. Urteko gehienezko zenbatekoak

Hauek dira Bakarkako Diru-laguntzan kontura 2022an banatuko dituen gehienezko zenbatekoak, oinarri arautzaileetako 3. artikulua aitpatzen duen gastu espezifikoko bakoitzaren arabera.

1. Ohiko etxebizitza edo bizitokia edukitzeko eta mantentzeko beharrezko gastuak:

a) Alokairuaren gastuak. Hau da alokairuaren gastuak ordaintzeko diru-laguntzaren onuradun izateko eskakizuna: «hirugarren mailako edo hurbilagoko odolkidetasun-harremanik edo ezkontza-ahaidetasunik ez izatea bizikidetzaren unitatea osatzen duten kideen eta errentatzailearen edo haren familia-unitateko kideen artean».

Ez dute alokairuetarako Bakarkako Diru-laguntzak (BDL) eskatzerik izango Sarrerak Bermatzeko Errenta (SBE) hartzaileek.

a.1) Errentari bakarrik alokatutako etxebizitza ordaintzeko diru-laguntza hileko 250,00 eurokoa izango da, eta inola ere ezin da etxebizitza lokatzeko prezioaren %70 baino handiagoa izan. Urteko gehienezko guztikoa: 3.000,00 euro.

a.2) Etxebizitza zenbait pertsonak alokatu badute edo berralokatuta badago, bi eskabide onar daitezke gehienez, indarrean dagoen araudiak xedatzen duenarekin bat, eta gehienezko diru-laguntzaren zenbatekoa zati bizikidetzaren unitateen kopurua egin behar da. Bi bizikidetzaren unitateetarako muga 125,00 euro izango da hileko, eta inola ere ezin da etxebizitza alokatzeko prezioaren %80 baino gehiago izan. Urteko gehienezko guztikoa: 1.500,00 euro.

a.3) Inori ostatu emateko edo inor apopilo egoteko kontraturik badago etxebizitzan, bi eskabide onar daitezke gehienez, aurreko paragrafoak xedatzen duenarekin bat, eta laguntzaren zenbatekoaren muga hileko 125,00 eurokoa izango da. Urteko gehienezko guztikoa: 1.500,00 euro.

a.4) Hoteletan, apartamentu-hoteletan edo legez eraturako ostatu etan ostatu hartzen duten bizikidetzaren unitateek (BU) ostatua ordaintzeko diru-laguntza 250,00 euro izango da gehienez. Bestalde, diru-laguntzaren onuradun izan daitezkeen bizikidetzaren unitateen kopurua ez da bikoia izango, establezimenduan legez onartutako gelen kopuruaren arabera baizik. Urteko gehienezko guztikoa: 3.000, 00 euro.

b) Etxebizitza edo bizitokia erosteko egindako kredituen amortizazio eta interesek eragindako gastuak ordaintzeko diru-laguntza 250 euro izango da gehienez, eta hark ezingo du gainditu hileko interesari eta kredituaren hileko amortizazioari dagokion zenbatekoaren %70. Urteko gehienezko guztikoa: 3.000,00 euro.

— Eusko Jaurlaritzak, beste administrazio publiko batzuek edo administrazioen mendeko entitateek sustatutako babes ofizialeko etxebizitzaren kasuan, ez da alokairu gastuetarako eta etxebizitza edo bizitokia erosteko kredituen interes eta amortizazio gastuetarako Bakarkako Diru-laguntzarik emango, gizarte-langileak gastu horren benetako beharra dagoela konprobatzen duenean izan ezik.

— Maileguagatik edo edozein modalitateko alokairuagatik (ostatua, azpierrementamendua, apopilotza) ematen den BDL bateraezina da beste edozein kontzeptuagatik ematen denarekin.

— Etxebizitzarako Prestazio Osagarria (EPO) bateraezina da Bakarkako Diru-laguntzekin (BDL). Salbuespen modura, pertsonaren osasuna arrisku larrian baldin bada, lehen mailako laguntza eskatu ahal izango da, oinarritzko gizarte langileak txostena egin ostean.

c) Mantentzeko gastuak: energia, komunitatea eta mantentzeko bestelako gastuak, baita hiri- eta landa-ondasun higiezinaren gaineko zergetz dagozkienak ere.

— Alokairua ordaintzeko laguntza edo kredituen interesak ordaintzeko nahiz kredituak amortizatzeko laguntza hartzen dutenek ezin dute hartu gastu hauek ordaintzeko laguntzarik, gastu hauek beste laguntza horien barruan daudela jotzen baita. (Aipatu laguntza Etxebizitzako Prestazio Osagarritik ala Gizarte Larrialdietarako Laguntzetatik etor daiteke).

— Alokairua ordaintzeko laguntza edo kredituen interesak ordaintzeko nahiz kredituak amortizatzeko laguntza hartzen ez dutenek urtean zenbateko hauek har ditzakete gehienez:

- 600,00 euro, etxebizitzaren jabe direnentzat.
- 450,00 euro, alokairu-kontratua dutenentzat, maizterrentzat.

d) Ohiko etxebizitzan edo bizitokian bizitzeko eta oinarritzko ekipamendua edukitzeko gastuak:

— Alokairua ordaintzeko laguntza edo kredituen interesak ordaintzeko nahiz kredituak amortizatzeko laguntza hartzen dutenek ezin dute hartu gastu hauek ordaintzeko laguntzarik, gastu hauek beste laguntza horien barruan daudela jotzen baita.

— Alokairua ordaintzeko laguntza edo kredituen interesak ordaintzeko nahiz kredituak amortizatzeko laguntza hartzen ez dutenek zenbateko hauek har ditzakete:

d.1) Altzariak. Gehienezko diru-laguntza: 700,00 euro. Beharrezkotzat jotako logela gastuak soilik onartuko dira: ohea, koltxoia, somierra.

d.2) Linea zuriko etxetresna elektrikoak, beharrezkotzat jotakoak. Gehienezko diru-laguntza: 350,00 euro. 700,00 euro emango ditu gehienez ere altzarien eta etxetresna elektrikoaren gastuak ordaintzeko. Ez da onartuko gastu horiek ordaintzeko eskaerak, urtez urte sistematikoki egiten badira.

d.3) Etxebizitzan edo/eta komunitatean egin beharreko oinarritzko egokitzapen, konponketa edo instalazioak. Gehienezko diru-laguntza: 1.850,00 euro. Honela banatuko dira:

1) Etxebizitza konpontzea. Gehienezko diru-laguntza: 721,00 euro. Egokitzen jotako kasuetan, obra egiteko beharra txosten tekniko bidez berma dezala eskatuko zaio interesdunari, eta etxebizitza erabiltzeko oinarritzko eta beharrezko konponketak bakarrik egiteko emango da diru-laguntza.

2) Komunitatean egiten diren konponketak. Gehienezko diru-laguntza: 1.850,00 euro. Lanen aurrekontu orokorra eta, partaidetza-kuotaren arabera, ordaindu beharreko zenbatekoa eta obra lizentzia eskatuko zaizkio interesdunari. Gainera, itzuli beharrik gabeko diru-laguntza eskatu behar diote Eusko Jaurlaritzari.

Gizarte-langilearen txostena kontuan hartuz, etxebizitza edota erkidegoa egokitzeko edota konpontzeko gastuak, edota etxebizitzako edota erkidegoko oinarritzko instalazioen gastuak ordaintzeko eskaerak ezets daitezke, urtez urte sistematikoki egiten badira.

2. Pertsonen beharrezkoa duten garapen osasuntsua bermatzeko, gizarteratzeko eta normalizatzeko sortutako gastuei aurre egiteko. Urteko gehienezko guztikoa: 3.000,00 euro.

3. Bizikidetzta-unitateko pertsona baten edo gehiagoren lehen mailako beharriaz eragiten dituzten gastuak, baldin eta sistema publikoek erantzuten ez badiete beharriaz horiei. Gehienezko diru-laguntza: 3.000,00 euro. Honela banatuko dira:

a) Janari gastuak: Oinarrizko Gizarte Zerbitzuen txosten bidez arrazoituak izan diren aparteko egoeretan, 1.000,00 euroko diru-laguntza emango da gehienez, espediente bakoitzeko, EBSrik jasotzen ez duten eta EBS baino diru sarrera txikiagok dituzten bizikidetzta unitateei.

Gastuon barruan sartzen dira esne artifiziala, pixoihalak eta umetxoentzako gauzak ere.

b) Osasun laguntza: sistema publikoek barne hartzen ez dituztenak (betaurrekoak, audiofonoak, dentista, sendagaiak...); gehienez, 3.000,00 euro emango da, honela banatu daitezkeenak:

— Botika: 350,00 euro. Laguntza horretatik kanpo daude, bai arreta pribatuak, baita publikoak barne hartutako botikak. Gizarte Segurantzak barne hartzen ez dituen gaixo kronikoen botikak ematea aurrekusten da, mediku txostena egin eta gero.

— Ortopedia: 350,00 euro. Desgaitasuna edo II. Mendetasun gradua dutenentzat, eta diru-laguntzetarako, Foru Aldundira bideratu.

— Betaurrekoak: 350,00 euro. Aurkeztutako aurrekontuak eta zenbatekoak baloratu egin behar dira.

— Dentista: 1.000,00 euro. Ezin da erabili inplanteen, hortzak ateratzearen, ortodontziaren eta ebakuntza estetikoaren gastuak ordaintzeko.

— Audiofonoak: 1.000,00 euro. Aurkeztutako aurrekontuak eta zenbatekoak baloratu egin behar dira.

Diru-laguntza horiek hartzeko ezinbestekoa da kasuan-kasuan dagokion diru-laguntza eskatu izana alde aurretik. Gizarte-langilearen txostena kontuan hartuz, lehen mailako beharri erantzuteko gastuak ordaintzeko eskaerak ezets daitezke, urtez urte sistematikoki egiten badira.

4. 1 eta 2 ataletan adierazitako kontzeptuetako batek aurretik sortutako zorpetze gastuak, baita bizitzako oinarrizko beharri aurre egiteko beharrezkoak diren gastuak ere: aipatutako kontzeptuetarako arestian adierazitako gehienezko zenbateko berberak.

Ez da derrigorrezkoa izango zorra estaltzea, baina zorra berehalakoa edo saihestezina izatekotan, eman daiteke.

5. Dena den, Bakarkako Diru-laguntzak hartzea bateraezina da Etxebizitzako Gastuetarako Prestazio Osagarria hartzearekin eta etxebizitzarako gastuei aurre egiteko laguntzekin. Helbide berean bizi diren bi bizikidetzta unitatek eska ditzakete gehienez Bakarkako Diru-laguntza eta Sarrerak Bermatzeko Euskal Sistemaren prestazioak, GLLak barne, Gizarte Larrialdietarako Laguntzak araupezeko indarrean den araudiarekin bat etorri.

B. Espedienteko gehienezko zenbatekoak.

Hernaniko Udaleko Zerbitzu Sozialak zenbateko jakin bat emango du gehienez espedienteko. Honako hauek dira gehienezko zenbatekoak: BU orokorra: 3.000,00 euro.

Diru-laguntzaren %100 ez dagokionean, eman beharreko gehienezko zenbatekoari edota gastu bakoitzeko zenbatekoari dagokion ehunekoa emango da.

C. Eskabide bakoitzari esleitu dakioken kopurua

a) Zehaztutako gastuak:

Eskabide bakoitzari dagokion laguntzaren gehienezko ehunekoa aplikatuko da, bizikidetzta unitateak dituen diru-sarreraren eta kide kopuruaren arabera, 2022ko Eusko Jaurlaritzak Gizarte Larrialdietarako Laguntzetarako emandako Aginduak onartzen dituen taulei jarraituz. Diru-sarrera bermatzeko errenta hartzen dutenei beti dagokie %100.



b) Pertsonak beharrezkoa duten garapen osasuntsua bermatzeko, gizarteratzeko eta normalizatzeko sortutako gastuei aurre egiteko: gizarte langileak txostenean finkatutako kopurua.

D Kontzeptuak hierarkizatu eta lehenesteko irizpideak.

1. Alokairua ordaintzeko laguntza edo kredituen interesak ordaintzeko nahiz kredituak amortizatzeko laguntza hartzen dutenak:

(Aipatutako laguntza Etxebizitzako Prestazio Osagarritik ala Bakarkako Diru-laguntzetatik etor daiteke).

— Gainerako gastu espezifikotarako laguntzak emateko, gizarte-langileak txosten bat egin behar du alde aurretik, pertsonen osasuna arrisku larrian dagoela egiaztatzeko. Kasu honetan, gehienezko zenbatekoak espediente bakoitzeko 1.000 eurora artekoak ere izan daitezke, eta medikuaren txostena eskatu ahal izango da, komenigarria irizten bada.

2. Alokairua ordaintzeko laguntza edo kredituen interesak ordaintzeko nahiz kredituak amortizatzeko laguntza hartzen ez dutenek zenbateko hauek har ditzakete, honako ordena honetan:

1) Energiak, urak, estolderiak, zaborrek, bizilagunen komunitateak eta hiri- eta landa- Ondasun Higiezinaren Gaineko Zergak eragiten dituzten gastuak.

2) Lehen mailako beharrezkoetarako gastuak eta pertsonen garapen osasuntsua bermatzen dutenak.

3) Etxebizitzan edo/eta komunitatean egin beharreko oinarritzko egokitzapen, konponketa edo instalazioak.

4) Linea zuriko etxetresna elektrikoak eta altzariak.

#### **8. artikulua.—Eskabide bakoitzeko gehienezko kopurua eta laguntza emateko irizpideak**

1. Emango den laguntzaren gehienezko zenbatekoa deialdi honetan jarritako irizpideen arabera eskatutakoa da.

2. Kasu partikular bakoitzean gehienez ere aplikatu daitezkeen kopurua, aurreko paragrafoan ezarritako prozeduraren arabera ezarria, murriztu ahal izango da, ordea, honako hauek kontuan hartuta:

a) Gizarte zerbitzuek ondorengoak egiaztatzeko egiten duten balorazioa: gastua benetan beharrezkoa den eta baztertze-egoeran direnak gizarteratzen laguntzeko garrantzitsua den edo lehentasunezkoa den.

Halakoetan, gehienezko kopuru aplikagarriak, honako irizpide hauen arabera murriztu daitezke:

— %100, gastuak benetan beharrezkoak ez direla irizten denean.

— %75era arte, gastua lehentasunezkoa ez dela irizten denean.

— %50era arte, gastua egiteak ez duenean erabateko garrantzia baztertze egoeran diren gizarteratze prozesuan.

Murrizketa aplikatuko bada gizarte langileak txosten-proposamena egin beharko du.

Aipatutako murrizketa nahiz ukapena egiteko irizpideak honako hauek dira, eta deialdian gara daitezke:

— Ibilgailuak erostea nahiz haien jabe izatea, ez badira horretarako lan, familia edo bestelako arazoak ematen.

— Ondasun higiezinaren jabe izatea, ohiko etxebizitza salbuetsita (xede horretarako, ohiko etxebizitza gisa onartzen dira trastelekua eta garajea, Hernaniko udalerrian).

— Norberaren kontura jarduten duten langileak:

a) Negozioaren lokalaren jabe izatea.

b) Bi urtetan baino gehiagotan galerak izatea.

- Lanaldi murrizketa izatea.
- Nork bere borondatez lana uztea edo lan-eszedentzia hartzea.
- Aurkeztutako dokumentazioan agertzen diren datuekin bat ez datozen nahikotasun ekonomikoaren kanpo agerpenak, edo espedientea bideratzen duten gizarte langileak baloratutako bestelako zirkunstantziak.

b) Aurrekontu baliabideak. Kasu honetan, batera jardun ahal izango da, honako bi neurri hauek baliatuz:

b.1) Aurrekontuko kreditu erabilgarrien bitartez eskariei ekitaldian zer mailataraino erantzungo zaion kontuan hartuz, kontzeptuak hierarkizatu eta lehenesteko irizpideak ezartzea.

b.2) Emango diren diru-laguntzen zenbateko osoa aurrekontu baliabideak baino handiagoa baldin bada, onuradun izateko beharkizun guztiak bete dituzten eskatzaile guztien artean hainbanatuko da, bakoitzak eskatutako laguntza -tramitatu duen organoak hasieran proposatutakoa - kontuan hartuta.

3. Kontzeptuak hierarkizatu eta lehenesteko balizko irizpideak ez ezik, murriztekoak ere deialdian jasotzen dira.

4. Artikulu honetan ezarritako irizpideak aplikatzearen ondorioz ukatuak izan diren berariazko gastuak itxaron zerrendara bilduko dira, ordaintzeko behar besteko kreditu sortu nahiz libratzen denerako.

## **9. artikulua.—*Ematea***

Bakarkako Diru-laguntzak eman aurretik, nolnahi ere, gizarte zerbitzuek premia-egoera benetakoa dela egiaztatu beharko dute, baita Hernaniko Udaleko aurrekontuetan helburu horretarako kreditua izendaturik dagoela ere.

## **10. artikulua.—*Baliabideen maila zehaztea eta baloratzea***

1. Eskatzailearen eta haren bizikidetz-unitateko gainerako kideen baliabideak zehazteko, baita horrela dagokionean, 18/2008 Legeko 9.2 artikuluan ezarritakoaren arabera prestazioen onura har dezaketen gainerakoena zehazteko ere, pertsona horien denen baliabide guztiak hartuko dira kontuan, Oinarrizko Errenta eta Diru Sarrerak Bermatzeko Errentari buruzko araudian ezarritakoari jarraikiz.

2. Gizarteratzeko eta Diru Sarrerak Bermatzeko abenduaren 23ko 18/2008 Legeko 9.1.b artikuluan ezarritako loturak izan (ezkontza nahiz ezkontzaren pareko harreman iraunkorraren gisakoa, adopzioa, laugarren mailara arteko odol-ahaidetasuna edo bigarren mailara arteko ezkontza-ahaidetasuna, famili harrerako harreman iraunkorra edo adopzio aurreko edo tutoretzapeko harremana) eta batera bizi diren bizikidetz-unitateetakoek prestazioen onura har dezaketenean, helbide horretan bizi diren kide guztiak dituzten errendimenduak hartuko dira kontuan, baita guztien ondarea ere, oinarrizko beharretarako laguntza eskatu dutenean izan ezik. Kasu horretan eskatzailearen bizikidetz-unitatekoen sarrerak eta ondarea soilik hartuko dira kontuan.

3. Errendimenduak zehazteko eta ondarea zehaztu eta baloratzeko Diru Sarrerak Bermatzeko Errentari buruzko aipatutako araudian ezarritakoari jarraikiko zaio.

### **11. artikulua.—*Abiaraztea***

1. Diru-laguntzak banatzeko prozedura ofizios abiaraziko da, Hernaniko Udaleko Gobernu Batzordeak onartzen duen eta Gipuzkoako Aldizkari Ofizialean argitaratzen den deialdi baten bidez.
2. Diru-laguntzei buruzko azaroaren 17ko 38/2003 Lege Orokorreko 23. artikuluko xedapenak eta ematen diren diru-laguntza guztien zenbatekoa gastatzeko baimena biltzen ditu deialdiak.

### **12. artikulua.—*Eskabideak eta dokumentazioa***

1. Bakarkako Diru-laguntzak interesatuek prestazioa eskatutakoan onartuko dira. Eskabidea deialdian ezarritako ereduaren arabera bete beharko da.
2. Eskabidearekin batera deialdian adierazitako agiriak aurkeztuko dira, oinarriotako 4. artikuluan ezarritako beharkizunak betetzen direla egiaztatzeko beharrezko direnak.
3. Egoitza eta bizikidetzaren Bizilagunen Udal Errolda agiriaren bitartez egiaztatuko da, edo hala egokituz gero, bizikidetzari buruzko txostenaren bitartez.
4. Gizarte zerbitzuek prestazioa bideratzeko behar den informazioa eta orientazioa emango diete eskatzaileei, alde aurretik hitzordua eskatuta.
5. Erantzun gabeko Gizarte Larrialdietarako Laguntzetarako eskabideak Bakarkako Diru-laguntza bihur daitezke, dagokion deialdiak ezarritako moduan.

### **13. Artikulua .— *Aurkeztu beharreko agiriak***

1. Eskatzaileak edo baimendutako ordezkariak sinatutako eskabidea Hernaniko Udaleko Zerbitzu Sozialetan interesdunei emango dieten ereduaren arabera izan behar du eskabideak.
2. Bizikidetzaren unitateko kideen nortasun agiriaren fotokopia. Atzeritarren kasuan Egoitza-baimenaren fotokopia (AIZ), eta horrelakorik izan ezean pasaportearen fotokopia, baita Foru Ogasunak emandako Identifikazio Fiskaleko Zenbakiarena ere.
3. Bizikidetzaren unitatean adingabekorik baldin bada soilik: Familia Liburuaren fotokopia (idatziriko orrialde guztiena), edo zaintza eta tutoretza egiaztatzen duten agiriarena.
4. Bizikidetzaren unitateko partaideren bat bananduta edo dibortziatuta badago, edo haren ezkontza baliogabetu bada, haren egoera egiaztatzeko agiriak:
  - Ezkontideak banantzeko, dibortziatzeko edo ezkontza baliogabetzeko epaiaren fotokopia.
  - Hitzarmen arau-emaietaren fotokopia.
  - Mantenu-pentsioa jasotzekotan: jasotako kopuruaren egiaztapena.
  - Jasotzen ez bada: auzibideko erreklamazio eguneratua.
5. Hirugarrenen datuei buruzko agiria.
6. Bizikidetzaren unitatearen aurrezki-libreta eta kontu korrante guztietako unean uneko eta batez besteko saldoa eta interesak; eta bizikidetzaren unitateko partaide guztiek eskabidea aurkeztu aurreko urtean zituzten eta dagokion urtean dituzten epe jakin baterako produktuak, inbertsio-funtsak, akzioak, diru-gordailuak... eta azken sei hilabeteetako eragiketak egiaztatzeko agiriak.
7. Diru-laguntza lortuz gero, dirua sartzeko nahi den libretaren lehen orriaren fotokopia.
8. Bizikidetzaren unitateko partaide guztien urtean urteko nomina guztien fotokopia.
9. Foru-Ogasuna:
  - Bizikidetzaren unitateko 16 urtetik gorako partaide guztien ondasunak egiaztatzeko agiria.

- Langile autonomoak: errenta aitordenaren fotokopia osoa.
- Bizikidetzaren unitateko 16 urtetik gorako partaideren batek errentaren aitordena aurkeztu behar ez badu, haren datu fiskalak.

10. Gizarte Segurantza: familia unitateko kide guztien pentsioaren egiaztatzea nahiz pentsiodun ez izatearena, eta lan bizitza.

11. INEM: 16 urtetik 65era bitarteko (horiek barne) kide guztien langabezia laguntzaren hartzailerela/ez direla egiaztatzeko agiria.

12. LANBIDE: Prestazio hartzailerela/ez direla egiaztatzeko agiria, eta laguntza mota eta laguntzaren zenbatekoa. (Non eta Lanbideak ez dion Hernaniko Udaleko Zerbitzu Sozialei behar besteko informazioa eman).

13. Diru-laguntza behar izatea arrazoitzeko agiriak:

— Alokairuko etxebizitza batean bizi direnek:

- Kontratuaren eta errentaren azken ordainagiriaren fotokopia.
- Etxebizitza berralokatuta baldin badago: Berralokatze agirien fotokopia eta honi lotuko alokairu kontratu guztien fotokopiak.
- Etxebide zerbitzuan izena eman izana edo izena emateko eskatu izana egiaztatzeko agiriak.
- Antzinako alokairuetan (formalizatutako kontraturik ez denean): kontratua indarrean dela egiaztatzen duen dokumentua, jabeak sinatua.

— Berralokatutako etxe batean bizi direnek:

- Etxebizitza berralokatze kontratuaren eta alokairuaren azken ordainagiriaren fotokopia.
- Etxebizitza alokatze kontratuaren fotokopia.
- Etxebide zerbitzuan izena eman izana edo izena emateko eskatu izana egiaztatzeko agiriak.

— Ostatu hartuta edo apopilo daudenek:

- Ostatu hartzeko edo apopilo egoteko kontratuaren eta alokairuaren azken ordainagiriaren fotokopia.

• Etxebide zerbitzuan izena eman izana edo izena emateko eskatu izana egiaztatzeko agiriak.

— Etxebizitza erosteagatiko hipoteka kreditua edukitzekotan: etxebizitza lortzeko hipoteka-kreditu bat eskatu dutenek, 2022ko hileko kuota, kreditua eskatzeko urtea, eskatutako zenbatekoa, kredituaren titularrak eta kredituaren helburua (etxebizitza bat lortzea) egiaztatzeko bankuaren agiria.

— Eskatzen den laguntza erabiltzeko aurrekontua.

— Komunitatea konpontzeko laguntza. Obraren aurrekontu orokorra eta 2022 urtean zehar partaidetza kuota arabera ordaintzea dagokion zenbatekoa.

#### **14. Artikulua— *Prozedura***

Bakarkako Diru-laguntzak arautzeko deialdi honek finkatzen ditu diru-laguntza hauek emateko prozedura eta epeak eta prozesuan parte hartzen duten organoak.

#### **15. Artikulua— *Diru-laguntzak ebazteko eta ebazpena jakinarazteko epea***

Ebazpena eta horren jakinarazpena urte naturalaren barruan egingo da beti ere dokumentazio guztia aurkeztuz gero.

#### **16. Artikulua— *Ebazpena jakinarazteko bideak***

Jakinarazpena zuzenean egingo zaio interesatuari Hernaniko Udaleko Zerbitzu Sozialetako bulegoetan, eskabidea egiten den egunetik hasi eta sei hilabeteko epean. Epea hilabetez luza daiteke, ebazpen dekretuko datatik aurrera, dekretua dataren ostekoa bada. Interesatua ez bada epe horretan agertu, ebazpena jakinarazitzat joko da.

#### **17. Artikulua— *Errekurtsoak aurkezteko bideak***

Ebazpenak amaitutzat emango du administrazio bidea. Berraztertzeko aukerako errekurtsua aurkez daiteke haren aurka ematen duen organoan, hilabeteko epean ebazpena jakinarazi eta hurrengo egunetik hasita, edo administrazioarekiko auzi-errekurtsua aurkez daiteke, zuzenean, bi hilabeteko epean ebazpena jakinarazi eta hurrengo egunetik hasita.

#### **18. Artikulua— Emandako laguntza frogatzeko epea**

Diru-laguntzei buruzko Lege Orokorraren Arautegia onartzeko uztailaren 21eko 887/2006 Errege Dekretuaren 70. artikuluekin bat etorritik, emandako laguntza frogatzeko epea 2022ko abenduaren 31ra arte luzatuko da, ordainketa 2022ko abenduaren 31ren ostean egin den kasuetan izan ezik, eta kasu horietan, ordainketa egunetik zenbatutako hilabeteko epea izango da laguntza frogatzeko.

#### **19. artikulua.—Prozedura bideratzea**

1. Eskabidea bidalitakoan, dagokion gizarte langileak bideratuko du espedientea.
2. Gizarte langileak eskatzailearen eta harekin batera bizikidetzaren unitatea osatzen dutenen helbidea Hernaniko udalerrikoa den egiaztatuko du.
3. Prestazioa emateko gainerako beharkizunak ere egiaztatuko ditu, eta hala egokituz gero, bere esku izan eta eskabidea ebazteko garrantzitsuak izan daitezkeen agiriak erantsiko dizkio hari.
4. Gizarte langileak egiaztatuko du aurkeztutako eskabideen edukia, baita eskatuko ere beharrezko irizitako datu eta txostenak beste instituzio nahiz erakunde publiko eta pribatuei ez ezik eskatzaileari berari ere, eta horrek ez dio eragingo ondoren horri buruz gara daitezkeen gainerako kontrol eta berrikuspen jarduketei.

Aurreko paragrafoak aipatutako datu eta txostenak soilik eskatu ahal izango dira eskatzaileak oinarri arautzaileotan ezarritako beharkizunak bete dituela egiaztatzeko ezinbesteko direnean.

5. Eskabidea osatu gabe bada edo dokumenturen bat falta bada, oinarritzko gizarte-langileak, 10 eguneko epean, hutsak zuzentzeko eta nahitaez aurkeztu beharreko dokumentuak eransteko eskatu behar dio eskatzaileari, Herri Administrazioen Araubide Juridikoari eta Administrazio Prozedura Erkideari buruzko azaroaren 26ko 30/1992 Legeko 71.1 artikulua xedatzen duenarekin bat. Halaber, ohartarazi behar dio, hori egiten ez badu, atzera egin duela ulertuko dela; horretarako, alde aurretik, ebazpena eman beharko da, 30/1992 Legeko 42. artikulua ezartzen dituen baldintzetan.

#### **20. artikulua.—Ekonomia-erakundearen prestazioak eta baliabideak egiaztatzea**

1. Gizarte langileak egiaztatuko du eskatzaileak edo bere bizikidetzaren unitateko kideek jasotzeko eskubidea duten ekonomia-erakundearen prestazioak eta baliabideak bere osoan baliatu direla.

Eskubideak bere osoan baliatu direla iritziko da:

a) Gizarte eskumeneko ordenarekin zerikusia duten kasuetan, ebazpena edo, horrelakorik ezean, eskabidea, errekerimendua nahiz salaketa forman gutxienez hiru hilabete lehenago aurkeztu baldin bada.

b) Gainerako kasuetan, eskabidea, errekerimendua nahiz salaketa forman aurkeztutakoan, ez bada behintzat atzera egiterik ezta uko egiterik gertatu, gizarte zerbitzuek ontzat emandako aparteko zirkunstantziak salbu.

2. Baldin eta eskatzaileak edo haren bizikidetzaren unitateko kideak baliatu ez dituzten eskubide

ekonomikoen hartzekodun badira, gizarte langileak eskatuko dio eskatzaileari espedientearen izapidetza amaitu aurretik bere eskubideak balia ditzala, indarrean dauden legeetan ezarritakoaren arabera. Ezkontzako bizikidetzaren eten egin dela egiaztatzen den kasuetan, mantenu-eskubidea ere sartuko da aipatu eskubide ekonomiko horien artean.

3. Aurreko paragrafoan adierazitakoa betetze aldera, Hernaniko Udaleko Zerbitzu Sozialek interesatuei dituzten eskubideei buruzko informazioa emango die, baita haiek baliatzeko egin beharreko tramiteei buruzkoa ere.

4. Eskatzaileak 2 paragrafoan adierazitako betebeharra betetzen ez badu, eskabideari uko egi diola ulertuko da, baina aurretik ebazteko eskumena duen organoak txostena egingo du eta han adieraziko dira zein den egoera, zeintzuk gertakariak, eta zer arau aplikatu daitezkeen.

5. Aurreko paragrafoan adierazitakoa gorabehera, 2 paragrafoan ezarritako betebeharrari itzuri egin ahal izango diote eskatzaileek, gizarte zerbitzuen iritziz nahiz epailearen ebazpen baten ondorioz, beren osotasunari eta segurtasunari eragiten dioten eta beren eskubideak baliatzera bideratutako prozesua atzeratzea gomendatzen duten aparteko zirkunstantziak gertatzen direnean.

## **21 artikulua.—Eskabideen ebaluazioa**

1. Eskabideak aurreko artikuluetan adierazitako moduan egiaztatu ondoren, gizarte langileak espediente osoa jaso eta txostena egingo du.

2. Presidenteari helarazi behar zaio espediente osoa. Oinarrizko Zerbitzu Sozialetako gizarte langile taldeak espediente ikusirik, behin behineko ebazpena proposatu behar dio Presidenteari.

Hala ere, interesdunek argudiatzen dituzten egitateak, alegazioak eta frogak bakarrik badaude, eta horiek bakarrik hartzen badira kontuan, ez da egin behar izapide hori, eta ebazpen-proposamena behin betikotzat hartu behar da.

3. Alkateak ebazpena onartuko du. Interesdunei jakinarazi behar zaie behin-behineko ebazpena, eta 10 eguneko epea eman behar zaie alegazioak aurkezteko.

4. Interesdunek alegaziorik aurkezten badute, aztertuko egingo dira, eta Oinarrizko Zerbitzu Sozialetako gizarte langile taldeak behin betiko ebazpena proposatu behar dio presidenteari.

5. Baliabide ekonomikoak mugatuak dira, beraz, laguntzak onartzerakoan lehentasun irizpide hauekin onartuko dira:

- genero indarkeriaren kasuak
- esku-hartze familiarak edo bakarkakoak
- laguntza prozesuan
- jarraipeneko kasuak: osasun sisteman, hezkuntzan, gizarteratze programetan.

## **22. artikulua.—Prozeduraren ebazpena**

1. Alkateak diru-laguntza emateko eskumena. Alkatearen Dekretuak adierazi behar du zer diru-laguntza ematen zaion eskatzaile bakoitzari eta zer baldintzatan, zer eskabide ematen diren uko egindakotzat, eta zer eskabide ez diren onartzen eta zergatik ez diren onartzen.

Diru-laguntza emateko ebazpenak diru-laguntza gastatzeko konpromisoa dakar.

2. Ebazpenak amaitutzat emango du administrazio-bidea, eta interesdunei jakinarazi behar zaie, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 58. artikulua ezartzen duenarekin bat.

3. Ebazpena onartzeko eta jakinarazteko epea 2022ko abenduaren 31a.

Ebazpena onartzeko eta jakinarazteko gehienezko epea amaitu eta oraindik ez badago berriazko ebazpenik, eskabidea ezetsizat joko da, administrazioaren isiltasunaren bidez, baina horrek ez du esan nahi administrazioak ebazpena emateko legezko betebeharra ez duenik, Herri Administrazioen Araubide Juridikoari eta Administrazio Prozedura Erkideari buruzko azaroaren 26ko 30/1992 Legeko 44.1. artikulua ezartzen duenarekin bat.

Eskabideak administrazioaren isiltasunaren bidez ezestearen ondorio bakarra da interesdunek dagozkien errekursoak aurkeztu ahal izatea.

4. Diru-laguntzen helburua kontuan hartuz, ez da beharrezkoa diru-laguntza hauen onuradunen datuak Gipuzkoako Aldizkari Ofizialean agitara daitezzen.

**23. artikulua—*Premiazko prozedura***

1. Berehalako konponbidea behar duen behar baterako denean laguntza eskabidea, gizarte langilearen txostenaren arabera (esate baterako, tratu txarreatik etxetik irten beharra, etxetik kalera botatzea, ohiko etxebizitza sute edo halabeharrek beste zirkunstantzia batengatik suntsitzea) emango zaio lehentasuna administrazio espedienteari, eta berehala bideratu ahal izango da.

2. Eskatzaileak oinarri hauen 4 artikuluko e) atalean adierazitako beharkizuna ez bete arren, egoera zehatzengatik bere baliabideak ezin erabili dituenari ere emango zaio laguntza. Kasu horretan, jasotako diru-laguntza itzuli egin beharko du onuradunak, laguntzak xede dituen beharrei aurre egitea eragozten zuten zirkunstantziak amaitzean.

Ostatu nahiz antzeko lekuren batean ostatu hartu behar izanez gero, benetan ordaindutako zenbatekoaren egiaztagiria izango da frogagiria.

Etxegabetzeagatik nahiz etxegabetze arriskuan egoteagatik fidantza eskatzekotan, ordaintzerik izan ez dela edo etxegabetzea zergatik gertatu den frogatu beharko da, banku, jabe nahiz epaitegiaren egiaztagiri bidez edo jakinarazpen bidez.

Egoera horietan, fidantzaren zenbateko osoa emango da 3.000,00 euroraino, ezarritako mugak kontuan hartu gabe. Alabaina, oinarriko gizarte langilearen txostena eta aurrekontratua aurkeztu beharko dira, baita fidantza justifikatzeko ordainketa agiria ere.

Fidantza barruan hiru hileko sartuko dira gehienez, higiezin agentziaren bitartekaritzari, lehenengo hilekoari eta fidantzari berari dagozkionak.

Fidantzari dagokion kopurua 3.000,00 euro baino txikiagoa bada, aipatu kopururainoko laguntza eman daiteke edozein eratako alokairurako.

Etxegabetzea berehalakoa baldin bada, eta ez badago aurrekontratua aurkezterik, 1.500 euroko fidantza eman ahal izango da.

**24. artikulua.—*Laguntzak ordaintzea***

1. Bakarkako Diru-laguntzak emateko ebazpenean adieraziko da nola emango diren diru-laguntzak. Diru-laguntzak emateko moduak hauek izan daitezke:

a) Hernaniko Udalak onuradunaren kontu korrontean egingo du onartutako zenbatekoaren ordainketa.

b)Hernaniko Udalak, bazkide den EkhiHernani fidelizazio sistemaren baitan, onuraduna abalatu eta kontu bat sortuko dio. Kontu horretan onartutako zenbatekoaren ordainketa egingo du.

c)Hernaniko Udalak, onartutako zenbatekoa endosu bidez, ordainketa egin behar den establezimenduari egingo dio zuzenean, EkhiHernani kontuan edo kontu korrontean sarrera eginaz

2. Prestazioen ordainketa aurreratu egingo da, justifikazioa egin aurretik eta inolako bermerik exijitu gabe.

3. Onuradunak ez baditu prestazioak helburua betetzeko erabili edo helburua betetzen ari ez delako ageriko zantzuak baldin badaude, Hernaniko Udaleko Zerbitzu Sozialek prestazioak beste norbaiti ordaintzea erabaki dezake, betiere oinarritzko gizarte langileak txostena egin ostean. Laguntza beste pertsona bati emateak ez du eragingo, inoiz ere, hasierako titularitatea aldatzea.

## **25. artikulua.—Egindako gastuak justifikatzea**

1. Diru-laguntza emateko ebazpenean, Bakarkako Diru-laguntzen onuradunek egindako gastuen fakturak nahiz frogagiriak aurkeztu beharra ezarriko da.

2. Ekitaldi ekonomikoa burutu aurretik aurkeztu beharko dira, eta posible ez balitz, aipatutako ebazpena jakinarazitako egunetik hasi eta hilabeteko epean.

3. Gastuak faktura bidez eta froga-balio bereko gainerako agiri bidez egiaztatuko dira, zuzenbide-merkataritzako trafikoan balioa duten agiri bidez, alegia, eta hala egokituz gero, ordainketa egin izanaren dokumentazio bidez. Aipatutako dokumentu guztiak originalak edo fotokopia konpultsatuak izango dira, eta horrelakorik ezean, Hernaniko Udaleko Zerbitzu Sozialetako administrazio langileek erkatuak.

4. Emandako laguntza justifikatzeko obligazioa bete ezean edo frogagiriak aski ez badira, justifikatu ez den laguntza zatia itzuli egingo da, 22 artikulua ezarritako moduan.

## **26. artikulua.—Aldizkako ikuskapenak**

Hernaniko Udaleko Zerbitzu Sozialek laguntza ematea eragin zuten arrazoiak bere horretan dirauten egiaztatzeko nahi beste ikuskapen egin ditzake. Horretarako, laguntzen onuradunei administrazioa agertu eta elkarlanean aritzeko eska diezaieke.

## **27. artikulua.—Diru-laguntzak itzultzea**

1. Onuradunek hartzen dituzten zenbatekoak itzuli egin behar dituzte, baita, hala dagokionean, diru-laguntza ordaintzen zaienetik itzuli egin behar dutela erabakitzen den arte sortzen diren berandutze interesak ere, baldin eta Diru-laguntzei buruzko Lege Orokorreko 36. eta 37. artikuluek aipatzen duten egoeraren batean badaude.

Onuradunak itzuli egin beharko ditu, halaber, jaso behar ez zituen edo jaso beharrekoaz gainetik jasotako Bakarkako Diru-laguntzak, oinarri arautzaileotako 15. artikuluan ezarritako ekonomia-educikiko gizarte prestazio eta baliabideei dagozkien atzerapenen ordainketa kontuan hartuta.

2. Diru-laguntza itzultzeko prozedura ofizios hasiko da, eta Herri Administrazioen Araubide Juridikoari eta Administrazio Prozedura Erkideari buruzko azaroaren 26ko 30/1992 Legeko VI. tituluak administrazio-prozedurei buruz ezartzen dituen xedapen orokorrek arautuko dute eta Diru-laguntzei buruzko Lege Orokorreko 42. artikulua xedatzen duena aplikatuko zaio. Prozedurak



irauten duen bitartean, esan beharrekoa esateko hamar laneguneko epea eman behar zaie interesdunei.

3. Presidenteak du eskumena hartzen diren zenbatekoen osotasuna edo zati bat itzularazteko ebazpena emateko.

4. Diru-laguntza itzultzeko betebeharra ezartzen duen ebazpenak arrazoitua izan behar du, eta berariaz adierazi behar du zergatik itzuli behar den diru-laguntza, zenbat itzuli behar den eta zein den nor bere kabuz itzultzeko epea. Halaber, ohartarazi behar du diru-laguntza finkatzen den epean itzultzen ez bada, premiamendu bidera joko dela.

5. Diru-laguntza itzultzeko betebeharrak gain, beste zigor batzuk ere ezar daitezke.

6. Aurreko paragrafoetan ezarritako ondorioetarako, Hernaniko Udaleko Zerbitzu Sozialek ofizioz errekurtsua aurkeztu ahal izango dute onuradunaren bizikidetz-unitateko edozein kideri egokitutako Bakarkako Diru-laguntzen prestazioen konpentsazioa edo deskontua.

7. Aurrekontu ekitaldi bakoitzean jaso behar ez bezala jasotako prestazioak itzuli eta konpentsatetik bildutako kopuruak Bakarkako Diru-laguntzen prestazioei aurre egiteko erabili beharko dira.

## **28. artikulua.—*Konfidentzialtasuna***

Hernaniko Udaleko Zerbitzu Sozialek espedienteak bideratzea dela-eta jasotako datuen konfidentzialtasuna Datu Pertsonalak Babesteko abenduaren 5eko 3/2018

Lege Organikoak ezarritako moduan bermatuko ditu. Hernaniko Udaleko Zerbitzu Sozialak.

Hala eta guztiz ere, herri administrazioek elkarlanean jardun behar dutela ulertu behar da, herritarrei arretarik onena eskaintzeko, baita esparru horretan komunikazio bideak ezarri behar dituztela ere, informazio sistema arina eta iraunkorki eguneratua ez ezik herri administrazio desberdinen artean informazio mota jakinak konpartitzeko modukoa ere izan dadin, betiere arreta jaso duenak ontzat emanik eta beharrezko irizitako segurtasun neurri guztiak hartuta.

## **29. artikulua.— *Arau-haustek eta administrazioko zigorrak***

Arau-hausteen eta zigorren araubidea da Diru-laguntzei buruzko azaroaren 17ko 38/2003 Lege Orokorreko IV. Tituluko eta hari buruzko araudiko IV. Tituluko, uztailaren 21eko 887/2006 Errege Dekretu bidez 38/2003 Legea garatzeko onartua. Prozedura bideratu behar da Herri Administrazioen Araubide Juridikoari eta Administrazio Prozedura Erkideari buruzko azaroaren 26ko 30/1992 Legeak eta Euskal Autonomia Erkidegoko herri administrazioen zigortzeko ahalmenari buruzko otsailaren 20ko 2/1998 Legeak ezartzen dutenarekin bat.

Zigorren bat jartzeak inola ere ez dakar behar ez bezala edo ez zegokion neurrian hartutako laguntzak itzultzeko obligazioa ez bete beharra.

## **30. Artikulua. — *Eskabideak aurkezteko epea***

2022. urtean zehar egin daitezke diru-laguntza eskaerak.

Prozedura baten esparruan ebazten diren eskaerak ezin dira aurkeztu hurrengorako.

2022an Bakarkako Diru-laguntzak lortzeko aurkeztzen diren eskaerak eta aurrekonturik ez zegoelako onartzen ez direnak, eskaera bihurtuko dira automatikoki ez onartua.

**31.- Artikulua. *Itzuli beharrik gabeko laguntzak, aurrerakin gisa nahiz zorrak ordain-tzeko ematen direnak.***

Bakarkako Diru-laguntzak, berez, ez dira -itzuli behar izango, baina, eman aurretik, gastua beharrezkoa dela egiaztatuko da, gastua egin baino lehen.

Hala ere, bi egoera hauek hartuko dira kontuan:

1. Bizikidetzta-unitateak epe laburrean diru sarrera garrantzitsu bat izango duela aurre ikusten bada, esate baterako, ordaindutako lan bat lortzeagatik, gizarte prestazioak nahiz pentsioak eskuratzegatik, oinorde bat jasotzeagatik, irabazpidezko ondasunen likidazioagatik edo beste egoera parekagarriak, laguntza emateko ebazpenean ezarriko da emandako dirua itzuli behar duela, osorik edo zati bat. Azkenean, bizikidetzta-unitateak ez badu jasotzen aurreikusitako sarrera, posible izango da emandako dirua itzuli behar ez izatea. Laguntza ematea ebatzi zuen organo berak onartu beharko du onuradunak dirua itzuli behar ez izatea, hark hala eskatuta eta kasuaren gizarte langileak egindako txostenarekin.

Proposamen-txostenean egiaztatzen bada premia egoerak hala eskatzen duela eta, bestalde, aurre ikusten bada epe laburrean lortuko den sarrera nahikoa izango dela eskatutako laguntza itzultzeko, laguntzaren helburuari 7. Artikuluan dagokion ezarritako urteko gehieneko zenbatekoaren halako hiru eman ahal izango da, gehienez, aurrerakin gisa, 3.000,00 eurokoa.

Aurreratutako kopurua, ebazpenean ezarritakoaren arabera itzuliko da. Ebazpen hori, bere aldetik, kasuaren arduradunak proposamen-txostenean egindako proposamenean oinarrituko da. Dirua zatika -itzuli ahal izango da, hamabi hilabeteetan gehienez. Bizikidetzta-unitatearen egoera sozio-ekonomikoa kontuan izanda eta, batez ere, adingabeen, mendetasun-egoeran daudenen eta muturreko bazterketa egoeran daudenen beharrak aintzakotzat hartuta, kasuaren gizarte langileak hala proposatuta, dirua hilabete gehiagotan itzultzeko aukera eman ahal izango du.

Erakunderen batetik prestazio ekonomikoren bat jasotzeko zain den pertsona bati diru bat aurreratuz gero, aurreratutako diru hura zuzenean Hernaniko Udaleko Zerbitzu Sozialei sartzeko eska dakioke dena delako pertsona horri prestazio hura jasoko duela erabakitzen denean. Horretarako, onuradunak diru hura itzultzeko baimena eman behar du (endosu agiri bat).

2. Eskaera aurkezteko garaian, bizikidetzta-unitateak, oso egoera ekonomiko larria bizi duelako, ezin baditu oinarrizko beharrak ase (bizitokia eta mantenua), laguntzak eman ahal izango zaizkio eskaera egin baino lehen egindako zorren bat ordaintzeko, baldin eta zor den ondasun edo zerbitzua 7. artikuluan jasotakoan artean badago. Zorrak ordaintzeko emango den gehieneko zenbatekoa, eta helburu jakin horretarako jasota dagoen urteko gehieneko kopurua izango da. Emandako zenbatekoa ez da kendu beharko bizikidetzta-unitate berak urte hartan helburu bererako jasotzen duen laguntzatik, Gizarte Larrialdietako Laguntzak izan nahiz Bakarkako Diru-laguntzak izan. Espedientean zorra eta zorraren zenbatekoa egiaztatu beharko dira eta, proposamen-txostenean, familiaren egoera ekonomikoa azaldu, laguntzarekin lortu nahi dena ere adierazita.

**32.-Artikulua—**

Lehenengoa.—Babes eta zaintza edo tutoretza egoerak.

Oinarrion ondorioetarako seme-alaba motako harremanen pareko izango dira babes eta zaintza edo tutoretza egoerak.

Bigarrena.—Oinarri hauek administrazio-prozedurari buruz arautzen ez duten beste ezertan, 39/2015 Legea, urriaren 1ekoa, Administrazio Publikoen Administrazio Prozedura Erkidearena eta 40/2015 Legea, urriaren 1ekoa, Sektore Publikoaren Araubide Juridikoarena bete behar da.

Hirugarrena.—Oinarri hauek diru-laguntzen araubideari buruz arautzen ez duten beste ezertan, Diru-laguntzei buruzko azaroaren 17ko 38/2003 Lege Orokorra eta hari buruzko araudia onartzeko uztailaren 21eko 887/2006 Errege Dekretua bete behar dira.

Laugarrena.—Alkateak ahalmena du deialdi hau zuzen interpretatzeko, garatzeko eta betearazteko beharrezko neurri oro hartzeko.

Hernanin, 2022ko ekainaren 30ean